

INO Aasianniit nutaarsiassat

Juli 2016



Samson & Pauline Larsen
Noa og Brian

Pauline allappoq

Aluu tamassi, kiisami tutsiuteqqippunga, ajunngilagut maani Aasianni, ilagiit ajunngilagut ingerlavugut Naalagaq tunaaralugu. Qaammatit kingulliit pisarnitsit ingerlavugut, sapaammi aggartartut aaliangersimasuunerullutik pingasunngorneq qinoqatigiinnermi nutaartaqarnerusarput. Aasaq-manna Ilulissani ataatsimeersuarneq pivoq nuanneqisoq pissarsiffiusoq timikkut tarnikkut anersaakkullu, maanngaaniit pingasut ilaapput, ataaseq aaliangersimasumik aggartortoq marlullu sømandshjem-imingaaneersut maanga piffissaqaraangamik aggartartut, neriukkaluaratta amerlanerulaat ilaassasut. Uanga Pauline suliffinniit taamaatissaanga 30. juli peqquteqavillunga kingullertigut aqajarora annerisarsimavara inalukkakkullu anniartarlunga tamanna pissutigallugu, nakorsamiillu aamma paasitinneqarpunga stress-

ertunga; taamaammat suliunnaarnissannik aaliangertariaqarsimavunga. Neriuppugut aningaasaqarnerput ilanngullugu qinnuttassagitsigit. Aamma maanngaaniit kissaatigeqaarput ikiortissatsinnik tikittoqassasoq meeqqanoortitsinermut oqaluussisinnaasumillu Naalakkap aallartitsinissaa uummatitsigit iluunngarluta neriutigeqaarput pisariaqarteqaarput ilagiit siumut aallartissagutsigit. Taava aamma massuma illup tunuliaqutai ilisimanginnatsigit takorusukkaluarpagut kiinarsillugit neriunaqaaq siunissami qanittumi tikittoqarsinnaassasoq, tassami pisariaqarpoq ajornartorsiutinik assigiinngitsunik oqaloqatigiissuteqarnissat pillugit, Naalakkamut kiffartorusuttunik ikiortissaaleqineq illulu nutaanngitsuvoq pisariaqarmat nammineerluni tikillugu takunissaa.

Ukununnga

qinnunneqarnissaq

pisariaqartinneqarpoq:

- Illup pitsanngorsarnissaanut aserfallatsaalinnissaanullu ilisimassummik.

- Ilagiit aningaasarsiornerat



Radiomut atortoq Nuummiit ulloq unnuarlu 12 time-ni aallakaatitanik ingerlatitseqqiisartoq. Tusarnaarneqarsinnaa vorlu internet-ikkut uani: inn.gl.

Nuannaarutigalugu aamma eqqaalaarusupparput John Lorenzen Aarhus-imi Det Danske Missionsforbund-nip palasiata panini tikeraaramiuk iluatsillugu oqaluussigami qimmaallannartumik.

Aamma ukiamut maani ledermøde-qassaaq, aamma tassunga qilanaarpugut.

Qujanarlu qinnussisartunut tamanut aninggaasanillu tapersersuisunut Guutip pilluaqqulisi tamannguassi.

Asannittumik in. Samson Pauline meeqqallu Aasianniit.

INO-p allattaa allappoq:

Qanittumi Ilulissani INO-p katerersuartitseqqammenerata nalaani siulersuisut (Sven Olov Åsblom, Jens Jeremiassen aamma John Ø. Nielsen) naapeqatigiipput Samson og Pauline Larsen-ikkullu oqaloqatigalugit. Aasiannut nuunnarlutik aaliangerneranniit ukiup ataatsip missarilerpaa; taamaammat ajoqersuineq, illu allallu qitiusut pingaarutillillu oqaloqatigiissutigalugit naapeqqinnerat pitsaavoq.

Soorlu tamatta nalunnigkipput illumut ajoqersuiffimmuut aqutsisutut atuutilerluni nuunneq suliaasaavoq annertoq. Ilagiinnik aqutsineq, ulluinnaat nutaarluinnaat ajunngitsumik ingerlanniarnissaat illumilu nutaanngitsumi pedeliuneq – ilumummi, unammillerniagassat annertupput. Taassumalu qaavatigut nutaarsiassanik nassiusuinerit qinnussisartut ajoqersuinermilu ikinngutit ilisimatinneqarlutillu malinnaasinnaaniassammata ! Illumi siulersuisunut ilaasortatut INO-milu aqutsisutut neriorsuinikuuvunga assigiinngitsutigut ikiuuttarumallunga aammalu pingaartumik paasissutissiinerup tungaatigut – taamaammat Samson Pauline-llu namminneq oqaluttuarnerisa saniatigut uanga nammineq paasisakka misigisakkalu aallaavigalugit tunuliaqutaasunut paasissutissat ingerlateqqittariaqarsorisakka allattarpakka. Arlalitsigut ikiorneqarnissaq pisariaqarpoq. Samson suliaqarluarsinnaasuvoq namminerlu assigiinngitsorpassuit illumut tunngasut suliarisinnaallugit, aammalumi taamaalioreerluni, kisianni suli suliaasaqarpoq. Taamaammat suliaasat suunerinik tulleriarnerinillu allattuinnisaanik qinnuigilaarsimavara aammattaaq atorussat qanoq akeqarnissaannik neqeroortunik suliarineqarnissaannullu qanoq naleqartiginissaannik noqqaqqusimallugu.

Ilissilu peqatigalusi aningaasaateqarfinnut qinnuteqarniararissallunga, Skandinavia-milu ilagiinni assigiinngitsuni immikkut ittumik aningaasatigut taperneqarnissamik periarfissanik ujartuillunga.

- Ilagiinni suliaqarneq, avataanit kiffartortunik tikeraarteqarneq, Norge-miit Danmark-imiilluunniit !
- Allaffissornikkut naatsorsuutigullu ikiorneqarnissaq
- Meeqqanoortitsinermut ikiorneqarnissaq

Illumi aaliangersimasut iluarsagassat:

- Kiassaatis sisamat taarsigassat
- Illup immikkut ittumik oqorsarnissaa, qaliaq immaqalu iikkat ...(ikummatissartornarpallaarpoq!)

Nutaarsiassani tullerni pilersaarutit toqqarnerusut qanorlu akeqarnissaat saqqummiukkumaarlugit naatsersuutigaa.

Nuummi Nipaa aaliangereerpoq radio-mut atatillugu innaallagissamut internet-imullu aningaasartuutit akilertarnarlugit.

Taassuma saniatigut INO aaliangerpoq allaffissornermut atorussamik qarasaasiamik allaffimmuut ikkussisoqassasoq.

Illit / ilissi Aasiaat QINNUSSINIKKUT TUNISSUTITIGULLU kivinissaanut ilaarusuppisii. Tassa massakkut iliuuseqarfissanngorpoq. Massakkut siuttoqalerpugut nuliariinnik ilungersortunik iliuuseqartuutunillu. TAMANIK Aasianniiginnarnissaannik inunnillu ikiuinissaannik ikiorlugit iliuuseqartariaqarpoq.

John Østergaard Nielsen



Inuunerup Nutaap Oqaluffia
Box 136
3950 Aasiaat
(299) 89 21 69

Bank: 6471-1640949

Ino.aasiaat@greenet.gl